

## 1. Eine moeëje mins

Paul Lenders, Graat Peeters en Onno Vaessen

Wat bis dich eine moeëje mins  
Dich bis te moeëj um neet te kinne  
Wat bis dich eine moeëje mins  
Wat mót ik zónder dich beginne  
Waos dich ouk geis of waos se steis  
Dao is de vastelaovesgeis  
Met dich is gaar niks mis  
Umdets se bis zoeë wie se bis

Ik heb bes vuuel bekinde  
Die staon ouk veur mich klaor  
Maar van al mien vrinde  
Det is maar al te waor  
Bis dich ein van die minse  
Wao ik zoeë blie mei bin  
Wat kin ik mich mier winse  
Dan det ik dich kin

Dich bis hiel good geleje  
De meins 't altied good  
Oet good holt gesneje  
Joeks zit dich in 't blood  
Dich bis ein van die minse  
Van gojigheid niks waerd  
Zeg mich noow ens wao vinds se  
Die nog heej op aerd

## **2. Wies morgenvruug.**

Bart Ebus, Loek Heunen, Etienne Snel, Marco Gielens

Wies morgenvruug,  
Zeen ik heej dien gezich,  
Doot gen oug door dich dich,  
Umdes se zags taeghe mich:  
Wies morgenvruug,  
Jao, det hoort ik bes gaer,  
Huur 't nog um mich haer,  
Waas 't vas maar zoeë vaer.

Schäöp beej de vleet,  
In zón groeëte scheur,  
Telle geit gaar neet,  
Want dich steis d'r veur.

Mien lekker deer,  
Slaop dich lekker oet,  
Want wae leet noow gaer,  
Wakker van mien snoet?

Wach met bedraag, zónder geklaag,  
Op dae niejen daag.

En slaop mich neet door diene wekker haer.

### 3. D'n Bekker

Mitchell Walda, Rob Krouwel, Emiel Laumen en Joep Buskens.

As lieraar guuefs se steeds dezelfde les  
De manager dae haet allein maar stress  
D'n dokter zuut allein maar al det leid  
En d'n brandweerman dae krieg 't smeis te heit  
't Laeve det is dök ein hard gelach,  
Och had ik mich maar jaore truuk bedach

Waas ik maar bekker gewaore  
Dan bakde ik lekker, volkore  
Sneje mik veur 't gerstenaat  
Van 's morges vruug wies 's aoves laat  
Waas ik maar bekker gewaore  
Ik bin as bekker gebaore  
Gojen bik en eige baas  
As ik ens lekker, bekker waas.

Met vastelaovend bak ik d'r niks van  
Ik weit neet wie ik maedjes kösse kan  
As kloon en cowboy heb ik gen succes  
D'n bekker dae presteert heej juus'tt bes  
Dae luuet mich efkes zeen wie det det geit  
Zien bruuedjes en zien brudjes die zien heit

Ik kiek normaal neet taeye minse op  
Maar d'n bekker haet toch ech de knapste kop  
Dae bak, dae brouwt, dae boeks 't allemaol klaor  
Gebakke lóch det is beej um ech waar  
Dus gaon ik idder jaor as um verkleid  
Terwiel ik eigenlijk al jaore weit

#### 4. Minse van 't goje laeve

Lonneke van Doorn, Annette Hermans, Wim Janssen, Ruud Geeraets

We vaste en we lieje 't ganse jaor wat aaf.  
We telle kallorieje, dieëte dan hiel braaf.  
Maar dao kumps se mich noow neet mei aan,  
Det is met vastelaovend lekker van de baan

Refrein:

Dan zien weej minse van 't goje laeve,  
Det meug bes veur eine kier,  
Neet gans perfek maar waal de ierste deur d'r naeve,  
Dus wat wille weej nog mier.  
Noow mós se profiteere, det is allein maar slum,  
Aswoensdaag gaon ze kaere, dan mót dae knoep weer um,  
D'r zien maar dreej daag gegaeve,  
Veur minse van 't goje laeve.

Ze vraoge: zien ós glazer half vol of toch half laeg?  
Wat is det veur gelazer, wat zien det toch veur kraeg?  
Schei toch oet dao mei, doot ós 'n lol,  
En drink dae halve oet, bestel dich maar 'n vol.

Weej laeve zónder kure, zoeë wie se laeve mós,  
Weej lette op de bure, zeej lette ouk op ós,  
Maar dees daag is det toch neet ós plich  
Dan kniepe weej met leefde gaer 'n uigske dich

Brök: En is aswoensdaag daor,  
Dink maar aan volgend jaor:





